


President Henry B. Eyring
Kot el Counselor er a First Presidency



Budech er Tial Klengar

Mo er kid el rokui el mlei er a beluulechad, a Osobel a dilu el kmo, “A beluulechad a mo omekcharm er kemiu.” (Johanes 16:33). E ng di Ngii a milsterir tial klebokel el yaksok el mora rulbengkel er sera lolsisechakl el ngar tial beluulechad: “A budech a bokbeskemiu, ng budech er ngak a kumeskemiu: a kumeskemiu e ng diak el ua beluulechad a lomeskemiu” (Johanes 14:27). Ng klou a rengud el medengei el kmo tial telbiil er a budech el kirir a re derta el chad a melemolem el mora rokui el oltirakl er Ngii er a chelechal taem.

A rebebil er kid a kiei er a klebokel e budech el basio, e ng di kid a soiseb er a ongarm er a klechad. A rebebil a melchesuar ra budech e mui el mededaes a rengrir sel temel a klou el klengit el reng, kerrior, ma mekdekudem el ongarm.

Ke locha mla mes ongasireng el budech er a mederir a roltirakl er a Jesus Kristo malechub e ke mla rongesii er a tekingir. Ak mla mes el betok el taem. A le bebil e ng chel-sel a osbitar el telungalek a keldibel el iliuekl ra mesiungel a Dios el mla mo cherung er a kodall.

Ak lotkak ra kuldngel er a tara redil er a osbitar er a sesel klebesei ruche ra le mad er a kasinoma. Ak ngiltiterir a re teru el ngelekek el redil lobengkek e le ngikal ungil odos a mle ta el team e ng olsisechakl er tir er a Primary.

A rechad ra blil a mle iliuekl er a dukellel, el mle sorir el obengkel er a ikal di mekesai kung el temel er tial beluulechad. Ak mlo mechas a renguk er a lebekiis el mo dengchokl er a dukellel. Ng ngiltiterir tirka el ngelekek el redil e mocha olecholt a ngklir el terung, loudersta er tir, el mo

er a derta el chad er a blil. Ng milengedecheduch el ngii ma rengud e tirkal ngelekek el redil a mle kuoll el bocha lolecholt er tir er a ulolel a queen. Ng mlo sebechel dulii a kmong ngerang el kirel a derta er tirka el chad el ngar tial delmerab a telelael el lolecholt er tir el kmo te chedal a Osobel. Ak kmal dirk lotkii sel klisichel, delmedemek el reng, ma beltikelreng el ulecholt ra omelekingel. Ak dirrek el dobedebekak el mle mechas a renguk er a kisang a ungil klikm er ngii, e lodengei el kmo a temel er tial klengar a kmal di kedeb.

Ng mla nguu ongelodel a reng el ngii a klengeltengat er a priesthood, meng bai ulehotii er a medemam a klemerang el kmo sel telbilel a Rubak el kirel a budech a meral tekoi: “Aika el tekoi el bla kdung er kemiu, el kmo ngokiu ngak e ko monguu a budech. A beluulechad a mo omekcharm er kemiu: ng di lak kom medakt; e ak mla mo mesisiich er a beluulechad” (Johanes 16:33).

Ng mla kongei er a okedong a Rubak, el kid er rokui a sebeched el rulii, el diak el iior er a ongarm ma ringel el de ngar ngii:

“Mer ngak, kemiu el rokui el chorma er a oberoed el chelungel, e ak mo meskemiu a ulengull.

“Mnguu a chelngelek, e mosuub er ngak; ele ngak a medemdemk e ngariou a renguk: me ko mo metik er a ulengelliu” (Mateus 11:28–29).

Ng kmal di tal Osobel a dokiu ngii e ng sebechel a ngii di el ta er kid el metik er a budech ma mededaes el reng er a chel-sel a ringel el ngii a me er kid el rokui.

A nglunguuch er a chedaol belsoil a ngosukid el mome-
duch el nguu tial budech sel dengara chelsel a uldikel er
tial klengar. Sel bocha dolai er tial chedaol belsoil, e ng
sebeched el tibir el mo blak a rengud er a telbiled el mo
oltirakl er Ngii.

A derta er kid a tibir el mo melatk er a Osobel. Ng sebe-
chem el melilt el mo melbedebek er Ngii er sel kot lungil
teletael el mo nguu a rengum el mo er Ngii. Sel denguu er
ngak e a le bebil, e ng sel kumes er Ngii el outubaruach
er a Sers er a Gethsemane malechub ea kumes er Ngii
el omekedong er a Lazarus el me tuobed er a debull. Sel
kuaisei, e ak mo omelchesuar el kmeed er Ngii e mui er
a omereng el saul el ngii a mdechii a renguk.

Ke dirrek el tibir el mo oltirakl a llechul. Ke tibir el
mo nguu a Ngklel meng mo ngklem e mo sioning er
Ngii. A telbiled a kmo sel obo murrekodel a ikel telbiled
lobengkel, ea Chedaol Reng a mo obengkem. (Mesa
D&C 20:77, 79.)

Tia meskid a budech lokiu a ua lerung el teletael.
A Chedaol Reng a omekbeches a kengtid e le a uchul a
Tngakireng er a Jesus Kristo. E a Chedaol Reng a sebechel
meskid a budech alsekum me ke de ungil er a medal a
Dios ma dirrek sel ngar ngii a urunguled er a diak a ulebe-
ngelel el klengar.

A Apostol Paulus a millekoi er tia ikid el klebokel el
klengeltengat: “Ng di Reng a omuchel a beltikerreng, ma
deureng, ma budech, ma kllourenge, ma blekokouirreng,
ma ungilreng ma blakelreng” (Kalatia 5:22).

A re anghel er sera louchais er a cherrellel a Osobel,
e te milchisii, “A odanges le bo e ra Dios el ngarsel kot el
ngarbab el eanged, me a *budech* le bo er a beluulechad”
(Lukas 2:14; smisichii a belkul). A kuchotii a klaumerang
er ngak el sioning er a Jesus Kristo el kmo a Chedam ma
Betik ra Rengul el Ngelekel a sebecherir el odureklii a
Chedaol Reng el mo ngosukid el mo nguu a budech er tial
klengar, er a chelsel a ngii di el ringel el desiseb er ngii e
dirrek el mo er tirkel doubeltik el reng er tir.

OSISCHEKLEL TIA EL KLUMECH

A President Eyring a olsisechakl el kmo sel nglungu-
chel a chedaol belsoil a sebechel ngosukid el nguu a
budech sel denga er a ringel. Ng omeklatk er kid el sel
sekum me kede urekodel a telbiled, e kede nguu sel tel-
biled a Dios el kmo a Chedaol Reng a di mo obengked.

Momdasu el mo oker er tirka el molsisechakl er tir el
kmo a Chedaol Reng sel lobengked e ng mekerang a
le ngosukid el nguu a budech. Ng dirrek el sebechem
el ouchais a uldesuem malechub a ikel dilubech el mei
er kau el Chedaol Reng a mle ngosukau el mo omel-
chesiu er a budech er a chelsel a ringel. Ng sebechem
el omekduch a rengrir tirka el molsisechakl er tir el mo
omdasu el kirel tial tekoi er sel temel chedaol belsoil er
tial merael mei el sandei.

NGEASEK

Ke Mekerang a Obo Molatk er a Osobel er Chelechal Sandei?

A President Eyring a omekduch a rengud el mo
“melilt el mo melatk [er a Osobel] er sel ungil
teletael el mo ngmai a rengud el bedul Ngii.”

Ke mekerang a obo “blechoel el melatk er Ngii”
er a chelsel a bek el sandei (mesa D&C 20:77, 79)?

Ng ngar ngii a kot el soam el bades el kirel a Osobel?
Ng sebechem el locha tengetang er a kakerous el bades
er a bek el sils er chelechal sandei e chocholt el mo ra
tara chad.

Kau ke mengitakl a chelitakl ra ikelesia malechub
a ungil chelitakl er a rengum sel mkora diak lungil a
rengum? Ke bai mo ngiltii a imong el ngii a kmal di
kirel a Osobel er chelechal sandei.

Kau ke omdasu el kirel a klengar er a Osobel me a
tenget er a tngakireng sel le ngar ngii chedaol belsoil
er a bek el sandei? Ng sebechem el kudmeklau el kirel
a chedaol belsoil sel bo molatk a ikel tekoi el mulruul
er sel sandei el blechoel el melatk er a Osobel e mo
ouchel a rengum er a ikel taem el kau a dimlak el sebe-
chem el lotkii.

Kau ke meluluuch lolengit a techall el mo omerk ra
ebangelio er a bek el sils? Molasem el mo mesaod ra
ebangelio er chelechal sandei el ngii a melutk el kirel a
Osobel. Ng sebechem el mo cholecholt er a klaumerang
er kau el kirel a Osobel er sel temel a ongdibel er a telu-
ngalek malechub e mongedecheduch er a sechelim er
a skuul er a ikel dilubech el me er kau er a omngara
ikelesia.

Bom tibir el mo melbedebek er a Osobel lokiu a
tokubets el teletael er chelechal sandei. Mouchais er

a chedam ma chedil, ta er kau, oungerachel, malechub a sechelim er a ikel molatk el momeruul. Sel bol merek a ta el sandei, e mouchais er tir er a ikel dilubech. Kemi a mo omelchesuar ra budech ma deureng el ngii sel ble losaad er ngii a President Eyring.

RENGALEK

Mei er a Kristo

A Osobel a mla yaksok el mo meskid a budech sel de "Mei er [Ngii]" (Mateus 11:28). Tia belkul a kmo kede mo oltirakl er a Okesiul e melasem el di kmeed er Ngii.

- Bo moba omengull sel ngar ngii a chedaol belsoil.
- Molilt el mo ungil el mo ra rechad e lak mosaod a teletelir.
- Mongui a chedaol llechukl aikel mesaod er a Osobel.



Klaumerang, Telungalek,
Ngesou

A Deureng er a Telungalek a de Betik er Ngii er a Kldung

Mosuub er tial tekoi lokuu a nglunguuch e mosiik el mo medengelii a bo mobang lolisechakl. Ng mekera klemedengei er kau er sel “Telungalek: Chais el mora Beluulechad” a bo losichii a klaumerang er kau er a Dios e bo lomekngeltengat er tirkel moldingel er tir lokuu odingel me a osisechakl? A lmuut el bebil er a omesodel, e bo er a reliefsociety.lds.org.

A Dios a “mla mekdebechii a telungalek el mo uchul a deureng, el mo ngosukid el mo medengei a meral osisechakl er a chelsel a ungil teletael, e mo mengedmokl er kid el mora diak a ulebengelel el klengar.”¹ Sel “ngarbab el uldasu el kirel a deureng” el mlara Dios (Alma 42:8), A President Russell M. Nelson, President er a Chelechad er a Teruich ma Terung el Apostol, a dilu el kmo: “Sel uldesuel a melekoi el kmo a sechal ma redil a mlo er ngii ‘me bo luchul e le ngai a deureng’ [2 Nephi 2:25]. Tial deureng a mei sel dolilt el kiei lungil loltirakl er sel diak a ulebengelel el uldesuel a Dios.”²

A blai el ultuil ra Kristo a mui er a ngarbab el techall el mo ungil ra klengar. A Elder Richard G. Scott (1928–2015) er a Chelechad er a Teruich ma Terung el Apostol a mesaod er tial basio el “ebangelio a mosisechakl er a chelsel, oltirakl a telbiil, e mui a beltik el reng er a chelsel,” el telungalek a kiei “el mekedung” el mla mo “mesisiich el delalem er a ebangelio er a Jesus Kristo.”³

A President Henry B. Eyring, el Kot el Counselor er a First Presidency, a dilu el kmo: “Ng sebedched el ngiltii el

mo meruul a ikel rokui el sebedched el mo melai er a klisiich er a babeluades el mei er a telungalek er [kid].” Me kid a ua de blechoel el loureor el kirel a beltikelreng, omesiou, blekonesenges, ma deureng er a re ke blid el lokuu “[a rengeleked] lorrenges a tekingel a Dios e melasem a ikal tekoi loba a klaumerang. Alsekum me te meruul el uaisei, ea teletelir a mo mengodech el mo uchul e te nguu sel deureng el losiik er ngii.”⁴

Blai el Ultuil er a Kristo

Ng ngar ngii a ungil okesiu er a blai el ultuil er a Kristo el ngara chedaol llechukl. A uriul er a demal, el Lehi, ra lemad, ea Nephi a ngiltiterir a telungalek er ngii ma rebebil ra rechad el uluumerang a olangch ma ocholt er a Dios e mle orrenges a tekingel a Nephi el mirrael el mo cheroid er sel belurir a re Laminites. Ngar tial beches el beluu, ea re Nephites a mle sebedchir el oltirakl a tekingel, teletelel, ma llechul a Rubak er a rokui el tekoi, loltirakl er sel llechul a Moses (mesa 2 Nephi 5:6–10). Ng dirrek el chelsir a re Nephites, a te ngar ngii a rebebil el mlo diak el loltirakl.

Me sel bebil ea re chedal a telungalek er kid a sebedchir el mo cheroid er a klemerang el di ua rechad er a Nephi, a Elder Scott a dilu el kmo a blai el ultuil ra Kristo a kmal dirk sebedched “blil a budech e omdernged.” Ng dilu el kmo, “ng morngii a betok el ongarm ma ringel, e ng di sel de ngara chelsel a ikal ringel, e ng sebedched el ungil a rengud ra budech ma dmolech el deureng.”⁵

Bebil er a Bades

3 Johens 1:4; 1 Nephi 8:12;
2 Nephi 5:27

ULEKLATK

1. *Handbook 2: Administering the Church* (2010), 1.1.4.
2. Russell M. Nelson, “Celestial Marriage,” *Liahona*, Nov. 2008, 92.
3. Richard G. Scott, “For Peace at Home,” *Liahona*, May 2013, 30, 31.
4. Henry B. Eyring, “The Teachings of ‘The Family: A Proclamation to the World,’” *New Era*, Sept. 2015, 5, 6.
5. Richard G. Scott, “For Peace at Home,” 31.

Ka Momdasu er Tiang

Ngera lmuut el sebedched el mo rullii me bo de kedung er a chelsel a telungalek er kid?